

قصة حياة

جتني ظروف الكدر مستعدة
قامت تحدد لي الاحـزان ميعاد
مرة مع حظي ومـرات ضده
واليا تكدر خاطر القلب تزداد
في دنية خلقت على الناس نده
مردودها للخير تجرح واجهاد
اتجني على المظالم وتبيح سده
واتجني على الظالم تساهيل وامداد
والصدق فيهما ما لقي من يعهده
والكذب يلقى له مع الناس شهاد
واللي فقد حق عجز يسترده
يصبح على تسديدة الدين معتاد
ومسكين من راد الزمن يستبده
عيت عليه اقدار الايام تنقاد
تطرح به الدنيا على القاع مده
مثل الفريسة والمقاديير صياد
ضاعت حياته في لحاف ومخده
عدت عليه ايام بغفول ورقاد
وماله عن دروب الوعر من يصدده
ولا هو عن دروب السلامة نشاد
تلطمه موجات القدر فوق خده
وتخطي به الخطوة من بلاد لبلاد
حبله قريب وعاجز لا يشده
يحسب جميع الناس قاصين وبعاد
عاند حياته لوجياته تحده
وادي سنينه كلها عناد بعناد
إصحي من الغفلة ترى العمر حده
لوقت سجاته وللموت ميعاد
وهذي هي الدنيا تجي مستجده
تلقا بها المازح وتلقا بها الجاد
قصة حياة ومننا مستمدة
ويلزمها تنفيذ وإخراج وإعداد
عشنا على كف القدر فوق يده
الله خلقنا عباده ونفني له عباد
ولا حاصل للحي ما كان وده
ولا حاصل للي يموتون ميلاد
ويكفيني اني من ظالموه الموده
ومالي مع الخسران بالدين مقعاد
وإن جتني الغفلة على اوقات شدة
اصبح لها صداد والقلب صداد
وتقدير ربي ما لنا في مرده
ومعارض لتقديره إشراك والحاد

حامد زيد